

Cauterəa mala Buləs aban ká a ban FILIMON Məncəu

Cauterəa mənia ka Buləs nə gıləi lang nda aba ndəkurban a bə ban mənana à bangga səm lulləi raka. Gilə cauterəa mənia ka aban ká aban Filimon, bə məkwadı mənana à sūrəi pepè, sə dəm ngga nda mətala-bala mala bə guro mənana à tunəki ama Onisəmu ka. Onisəmu ka bəngja nying mətala-bala male, sə lang ngga, à yì je andə Buləs, mənana a bəkú mənə ka nda a ndəkurban ngga. Onisəmu yì pələ məkwadı nə bu Buləs. *Cauterəa mala Buləs aban ka aban Filimon* ngga zəmba na aban Filimon bə eare bəa giləki nrea andə guro male, mənana Buləs na arə tasəte bə nyare a baní, sə dəm ngga bə kəa gingsəi kəla guro mənana twaləni wi banì nəmürəi ka dāng, bə gingsəi gbal kəla mə'eamrəarəu məkwadı. Sə sūrə ya gir nani Onisəmu pa sə Filimon bənəce ka dāng, səama Buləs ka earəna nə mbweki Filimon gir mənana kat gyajam male Onisəmu kidiki wi ka. Kat andə amani ama Buləs nə gandə paktúró nə rəcandəa male kəla mə'mishan nə tsək Filimon bə pək gir mənana banggi wi ka, pè anggo dāng. A kun mani ka, earce nə buakiarəi bə pè aba earcearəu.

Agir mənana abaləi ka

Mən cau1:1-3

Bwangsəban ace Filimon1:4-7

Zəmbəa ace Onisəmu1:8-22
Masələata cau1:23-25

Makkun nə ban Buləs

¹ Cauterəa mənəia ka pür nəban Buləs, bwa mənana ndă a ndəkurban ace hamnə Cau Amsəban mala Kərəsti Yesu ka, andə mə'eam səm Timoti.

Mə nda ban giləi Filimon, gyajam ma'səm andə bi səm mətúró,

² andə mə'nggaula səm Afiya, andə Arkipus bi səm soje, andə ikəlisiya mənana kə kpapi a bala mò ka.*

³ Bə Bakuli Tár səm andə Mətalabangŋo Yesu Kərəsti pa wun bɔwamuru andə dorəpwala.

Yàwá andə hiwi mala Buləs

⁴ Bə aya pwari mə nə pak hiwi ka, ən nggə pakki Bakuli mem yàwá aceo.

⁵ Acemənana ən nggə ok ce pabamuru mo arə Mətalabangŋo Yesu andə earcearəu mo arə abwana mala Bakuli kat.

⁶ Hiwi mem ngga nda mənana ama dotarəu ma'səm sənə we kəla aməkwadɪ ka nə yinə bwal-tagir məlime mala koya gir məboarne mənana səm ndanəi a do ma'səm aba kpapi ma'səm sənəa Kərəsti ka.

⁷ Earcearəu mo panam banboarnado kərkér andə girikiban, mə'eambam, acemənana pe məboarne mo yina nə bumpwasəa a ban abwana mala Bakuli.

Buləs zamba amur Onisəmu

* 1:2 1:2 Balli gbal aba: Kol 4:17.

8 Nda gir mənana tsəa sə mə ndanə babumcandəa, kəla mə'eambo aba Kərəsti, mənana mə nə cio wu pak gir mənana boaro wu pe ka.

9 Kat andə amani ka, mə nda rə zəmbo ace earcearəu, mim Buləs, mənana ən enà, sə dəm adyan ngga mə nda aba kùrban ace Kərəsti Yesu ka.[†]

10 Mə ndarə zəmbo, wu sən məsəswatər mala munem Onisəmu. Ən duk tárrí aba bangjo akani aba ndàkurban.

11 Didyal ka, bwa məbane na a bano, sə adyan ngga, duməna bwa məboarne a ban səm kəm.

12 Mə nda aban tasə te, bə nyare a bano adyan. Ká male ka, babumam nda atè.

13 A eare mem ngga, mə nə bwali akani a banam bə dupam gbasha a kuniò, aba kùrban mənəia mə ndakam ace hamnə Cau Amsəban ngga.

14 Sə ən earce pàk kəgìr mənana pa atārəia andə eare mo raka dāng, ace mənana pe məboarne mo, bə pur nə babumo, bə kəa do ama à cio púp dāng.

15 Pa kəla Onisəmu ka, a dʷanyibani abalə anonggio bəti, ace mənana a nə nggá kumi dəm gauwa pa kəm raka.

16 A dyan ngga, yì ka, pa kəla guro dəm dāng. Kutini bancame mala guro. A banam ngga, mə'eamrəarəu na mənana ən earikiyi ace raka, sə a bano ado ka nə kùtì mənə, duməna kəla bwa sə kəla mə'eamrəarəu aba dotarəu sənəa Mətalabangjo.

[†] 1:9 1:9 mənana ən enà, sə dəm adyan ngga mə nda aba kùrban ace Kərəsti Yesu ka: Ko <<mənana mə nda mə'pwantu mala Kərəsti Yesu, sə dəm adyan ngga mə nda kùró ace ka.>>

¹⁷ Ace mani ka, bə a twalam kəla bio mətúró ka, é, kəla mənana a nə em ngga.

¹⁸ Bə pangŋəno məbane aba kə njar, ko a kə kpate tangna ka, dí ce a buam.

¹⁹ Mim Buləs ka, mə nə giləkiyi mənía yì cau ka nə buam. Mə nə mbweo, yàle bəà kəa bang cau mala yiləmo mənana ən nggə kpato tangnè ka dāng.

²⁰ È, mə'eambam, ən nggə zəmbo, ləmdəəm mənía yì earmúru ka, ace Mətalabangŋo; kəla mə'eambu aba Kərəsti ka, ciem bəbumam bə nongŋo.

²¹ Acemənana ən earəna nə okiru mo ka, ən nggə giləo, nə sələe ama gír mənana ən díkiyice a bano ka, a nə pak mənana kútì ka.

²² Cau mwashat dəm ngga, ida, giləki ban-suləo acem, acemənana mə ndanə tsəkbaləu ama Bakuli nə ak ahiwi ma'wun, sə à nə panzəam mə nyare a ban wun.

Məsələata makkun mala Buləs

²³ Abafəras, biam pursəna ace Kərəsti Yesu, kə túrban nə makkun male.‡

²⁴ Sə anggo gbal, sə Markus, andə Aristakus, andə Dimas andə Luka, abiam amə'túrô.§

²⁵ Bə bwamuru mala Mətalabangŋo Yesu Kərəsti do atà bangŋo ma'wun.*

‡ **1:23 1:23** Balli gbal aba: Kol 1:7; 4:12. § **1:24 1:24** Balli gbal aba: Atúró 12:12,25; 13:13; 15:37-39; 19:29; 27:2; Kol 4:10,14; 2Tim

4:10,11. * **1:25 1:25** Balli gbal aba: Ang 51:12 .

Mbula-Bwazza
Portions of the Holy Bible in the Mbula-Bwazza
language of Nigeria

copyright © 2022 The Seed Company

Language: Mbula (Mbula-Bwazza)

Contributor: The Seed Company

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-12

PDF generated using Haiola and XeLaTeX on 10 Sep 2025 from source files dated 12 Jul 2025

dc693218-7e0b-5547-ab57-2e0275b90e93